

ХАЛҚ ДЕПУТАТЛАРИ ФАРҒОНА ВИЛОЯТ КЕНГАШИННИГ НАВБАТДАГИ СЕССИЯСИ БЎЛИБ ЎТДИ

Вилоят ҳокимлиги катта мажлислар залидаги Халқ депутатлари вилоят Кенгашининг навбатдаги олтмиш тўқизинчи сессияси бўлиб ўтди.

Сессия ишида вилоят ҳокими Хайрулло Бозоров, вилоят Кенгashi депутатлари, кун тартибига киритилган масалага алоқадор давлат ва жамоат ташкилотлари раҳбарлари иштирок этдилар.

Сессияда 2024-2025 йилларда Фарғона вилоятини ижтимоий-иктисодий ривожлантириш ва инвестиция дастурларини амалга ошириш бўйича ишлаб чиқилиб, Кенгашга тақдим этилган чора-тадбирлар дастури лойиҳаси кўриб чиқилди.

Кун тартибига киритилган ушбу масала юзасидан вилоят ҳокимининг молия-иктисодиёт ва камбағалликни қисқартириш масалалари бўйича биринчи ўринbosари котибияти мудири Абдурасул Рўзиев сўз олиб, 2024 йилнинг январь-май ойлари якуни бўйича вилоятда иктисодий ривожлантириш, инвестицияларни жалб қилиш, аҳоли бандлигини таъминлаш ва даромадларини ошириш борасида амалга оширилган ишлар бўйича ҳисобот берди.

Ҳисоботда аҳоли бандлигини таъминлаш, даромадларини ошириш ва тадбиркорликка жалб қилиш орқали вилоятни ишсизликдан холи ҳудудга айлантириш бўйича ишлар олиб борилган ишларга тўхталиб ўтилди.

Вилоятни “ишсизликдан холи ҳудуд”га айлантириш мақсадида 2024 йил якунига қадар 328,5 минг нафар аҳоли бандлигини таъминлаш мақсад қилинган. Жорий йил январ-май ойларида жами 231,9 мингта (189%) янги иш ўринлари ташкил этилди.

Шунингдек, жорий йил 2-ярим йиллигига аҳоли бандлигини таъминлаш, тадбиркорликни ривожлантириш ва даромадларини ошириш бўйича ишлаб чиқилган чора-тадбирлар дастури бўйича ҳам ахборот берилди.

Ҳисоботдан сўнг халқ депутатлари вилоят Кенгашининг тегишли қарори депутатлар томонидан тасдиқланиб, қабул қилинди.

Халқ депутатлари шаҳар ва туман Кенгashi сессияларида ҳам 2024-2025 йилларда шаҳар ва туманларни ижтимоий-иктисодий ривожлантириш ва инвестиция дастурларини амалга ошириш бўйича ишлаб чиқилган чора-тадбирлар дастури лойиҳаси кўриб чиқилди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2024-07-10 16:04:12